

## **ՀՐԱՎԵՐ ՄԱՍՆԱՎՈՐ ԱՆՁԻՑ**

1. **Հարցաթերթիկ**՝ համապատասխան կերպով լրացված իսպաներեն կամ անգլերեն լեզուներով՝ ստորագրված անձամբ դիմողի կողմից: Իրենց սեփական անձնագիրը չունեցող, այլ մոր/հոր անձնագրում նշված երեխաների համար նաև անհրաժեշտ է հարցաթերթիկի ձևաթուղթ լուսանկարով: Անչափահասների փոխարեն դիմումը ստորագրում է ծնողներից կամ խնամակալներից մեկը:
2. Երկու գունավոր 3,5 x 4,5 սմ լավ որակի **լուսանկար** սպիտակ ֆոնի վրա՝ արված վերջին 6 ամսվա ընթացքում: Մեկ լուսանկարն անհրաժեշտ է փակցնել հարցաթերթիկին:
3. **Արտասահմանյան անձնագիր**, որը վավերական է Շենգենյան գոտուց մեկնելու վերջին ենթադրյալ ամսաթվից հետո առնվազն երեք ամսվա ընթացքում, որը պարունակում է առնվազն երկու մաքուր էջ և տասը տարուց հին չէ, և **դրա բոլոր էջերի պատճենները** (նույնիսկ դատարկ):
4. **Այլ արտասահմանյան անձնագրեր**՝ գործող և չեղարկված: Երկրորդ գործող անձնագիրն անհրաժեշտ է տրամադրելու համար, չեղարկված անձնագրերը ներկայացվում են դիմողի հայեցողությամբ: Բոլոր անձնագրերն ընդունվում են միայն **դրա բոլոր էջերի պատճենները** (նույնիսկ դատարկ) կցելու դեպքում:
5. Համաքաղաքացիական **անձնագրի** լրացված էջերի **պատճենը**:
6. Եթե հրավիրողը մշտական բնակվում է Իսպանիայի տարածքում՝
  - **Հրավեր**՝ տպագրված կամայական ձևով՝ նշելով տեղեկություններ հրավիրող անձի մասին, հրավիրված անձի մասին, ուղևորության ամսաթվերը և հրավիրվածի բնակության վայրը, կամ հրավեր՝ ձևակերպված Իսպանիայի ոստիկանության կոմիսարիատում (պարտադիր է օտարերկրյա քաղաքացիների կողմից ներկայացնելու համար)
  - Հրավիրող անձի **վավերական փաստաթղթի պատճենը**, որը հաստատում է Իսպանիայում նրա գտնվելու օրինական լինելը հրավիրված անձի մնալու ամբողջ ժամանակահատվածում (անձնագրի պատճեն, DNI, կացության քարտ և այլն):Եթե հրավիրողը մշտական բնակվում է Հայաստանի տարածքում և հանդիսանում է անշարժ գույքի սեփականատեր Իսպանիայում.
  - **Հրավեր**՝ տպագրված կամայական ձևով՝ նշելով տեղեկություններ հրավիրող անձի մասին, հրավիրված անձի մասին, ուղևորության ամսաթվերը և հրավիրվածի բնակության վայրը:
  - Հրավիրող անձի **գործող վիզայի պատճենը**, որը վավերական է հրավիրված անձի մնալու ամբողջ ժամանակահատվածում (անձնագրի պատճեն, կացության քարտ և այլն):
  - **Քաղվածք մասնավոր սեփականության սեղանամատյանից** (Nota Simple): Քաղվածքը պետք է տրված լինի փաստաթղթերը ներկայացնելուն նախորդող վերջին երեք ամսվա ընթացքում:
7. **Հարազատական կապերի հաստատում** (ծննդյան վկայական, ամուսնության վկայական, ազգանունը փոխելու վկայական, հայրությունը ճանաչելու վկայական, Libro de Familia), **եթե** հրավիրող անձը հարազատ է:

8. **Բժշկական ապահովագրության պոլիս,** որն ընդգրկում է մնալու ամբողջ ժամանակահատվածը կամ առաջին ուղևորությունը և վավերական է Շենգենյան համաձայնագրի բոլոր երկրների համար: (Անդորրա ճանապարհորդողների համար՝ ապահովագրական պոլիսի տարածքային ծածկույթը պետք է տարածվի Շենգենի և Անդորրայի վրա): Պոլիսը պետք է ծածկի բոլոր ծախսերը, որոնք կարող են առաջանալ բժշկական պատճառներով հայրենադարձման, շտապ բժշկական օգնության, շտապ հոսպիտալացման կամ մնալու ընթացքում դիմողի մահվան կապակցությամբ: Ապահովագրական ծածկույթը՝ 30.000 դոլարից ոչ պակաս:
9. Երկկողմանի ուղղությամբ **ավիատոմսերի ամրագրում** կամ այլ տրանսպորտային միջոցի (ավտոմեքենա, գնացք և այլն) հաստատում:  
Եթե ճանապարհորդում եք սեփական մեքենայով, պետք է ներկայացնել ավտոմեքենայի տեխնիկական անձնագրի, վարորդական իրավունքի և ավտոմեքենայի միջազգային ապահովագրության (Գրին Քարդ) պատճենները: Եթե մեքենան վարձակալված է, ներկայացնել վարձակալության պայմանագիրը: Նաև ներկայացվում են պլանավորվող ուղևորության տպագրված երթուղային թերթը՝ նշելով օտարերկրյա պետությունների սահմանները հատելու ամսաթվերը:
10. **Տնտեսական երաշխիքներ.** Տեղեկանք աշխատանքի վայրից: Տեղեկանքի փոխարեն թույլատրվում է տրամադրել ֆիզիկական անձի եկամտային հարկ 2 ձևը: Տվյալ փաստաթղթերի արդիականությունը տրման ամսաթվից 1 ամիս է: Դիմողները, որոնք ունեն սեփական բիզնես, ներկայացնում են ձեռնարկության գրանցման վկայականի պատճենը և հարկ վճարողի հաշվառման համարի (ՀՎՀՀ) փաստաթղթի պատճենը:
11. **Ֆինանսական երաշխիքներ.** Մեկ հոգուն 95 € մնալու յուրաքանչյուր օրվա համար (առնվազն 855 եվրո մեկ մարդու ուղևորության համար): **Բանկային հաշվից քաղվածքի բնօրինակ (բանկի ձևաթղթով), որը տեղեկություններ է պարունակում նշված հաշվում վերջին երեք ամսում դրամական միջոցների շարժի մասին:** Դիմողը նաև կարող է տրամադրել արտարժույթ գնելու մասին տեղեկանք: Ուղևորությունը հովանավորելու դեպքում ներկայացվում է տպագիր տեսքով հովանավորչական գրություն և հովանավորի ֆինանսական երաշխիքները (քաղվածք բանկի հաշվից կամ տեղեկանք արժույթ գնելու մասին):
12. **Օտարերկրյա քաղաքացիները** ներկայացնում են հետևյալ փաստաթղթերից մեկը՝ կացության քարտ, ժամանակավոր մնալու թույլտվություն, աշխատելու թույլտվություն, աշխատանքի արտոնագիր կամ ՀՀ երկարաժամկետ վիզա: Դիմողը պետք է հաստատի վերջին 6 ամսվա ընթացքում իր անընդհատ գտնվելը ՀՀ տարածքում վերը թվարկված մեկ կամ մի քանի փաստաթղթերով: Հայաստանի, Բելառուսի, Թուրքմենստանի, Ուզբեկստանի քաղաքացիներին չի պահանջվում:
13. **Անչափահասների համար** անհրաժեշտ է ներկայացնել ծննդյան վկայականի բնօրինակը և պատճենը:  
**Անչափահասների համար,** որոնք մեկնում են առանց ծնողների/խնամակալների ուղեկցության, անհրաժեշտ է տրամադրել նոտարական համաձայնություն մեկնելու վերաբերյալ երկու ծնողի կողմից: Խնամակալության տակ գտնվող անչափահաս դիմողների համար անհրաժեշտ է ներկայացնել երեխայի մեկնելու վերաբերյալ խնամակալության մարմինների

համաձայնությունը` անկախ նրանից, թե ում հետ է գնում երեխան (երկու խնամակալների/խնամակալներից մեկի/3-րդ ուղեկցող անձի հետ):

Միայն մեկ ծնողի/խնամակալի ուղեկցությամբ մեկնող անչափահասների համար անհրաժեշտ է ներկայացնել նոտարական համաձայնություն մեկնելու վերաբերյալ երկրորդ ծնողից/խնամակալից: Այն դեպքում, երբ երեխան գնում է ծնողների/ծնողներից մեկի/ ուղևորության ընթացքում երեխային ուղեկցող այլ անձի հետ, իսկ ծնողերը/ծնողներից մեկը/ ուղեկցող անձն արդեն ունեն վիզաներ/վիզա, ապա անհրաժեշտ է ներկայացնել դրանց/դրա պատճենը և տոմսերի ամրագրումը, որոնք հաստատում են երեխայի ուղեկցությունն ուղևորության ընթացքում: ***Երեխայի մեկնելու վերաբերյալ համաձայնություն ներկայացվում է նաև հետևյալ դեպքերում.***

- Ծնողները կամ ծնողներից մեկը ժամանակավորապես կամ մշտական բնակվում են Իսպանիայի տարածքում;
- Երեխան և ծնողները/ծնողներից մեկը/ուղեկցող անձն ուղևորությունից վերադառնում են տարբեր ամսաթվերի;
- Երեխան և ծնողները/ծնողներից մեկը/ուղեկցող անձը մեկնում են ուղևորության և վերադառնում են միասին, սակայն ծնողները/ծնողներից մեկը/ուղեկցող անձը երեխայի` Իսպանիայի տարածքում մնալու ընթացքում պլանավորում են/է որոշ ժամանակով լքել Իսպանիայի տարածքը;
- Երեխան և ծնողները/ծնողներից մեկը/ուղեկցող անձը ճանապարհորդում են տարբեր չվերթներով: